

Bahasa Rusia

Wikipedia Minangkabau - Lubuak aka tapian ilmu

Bahasa Rusia (русский язык, *russskiy yazyk*, diucapkan [ˈruskʲɪj jɪˈzɨk]) adalah bahasa Slavia nan utamonyo dituturkan di Rusia, Belarus, Uzbekistan, Kazakhstan, jo Kirgizstan. Bahasa iko indak rasmi namun banyak pulo dituturkan di Ukraina, Moldova, Latvia, Tajikistan, Turkmenistan, Estonia jo nagara-nagara lain nan alah pernah manjadi bagian dari Uni Soviet.^[3]^[4] Bahasa Rusa tamusuak ka dalam rumpun bahasa Indo-eropa jo salah satu dari tigo bahasa Slavia Timua.

Jo jumlah panutua sabanyak 278 juto jiwa, bahasa Rusia marupoan bahasa tagadang kalimo dari segi jumlah panutuanyo sasudah bahasa Mandarin, Inggirih, Spanyol, jo Hindi.^[4] Bahasa iko juo manjadi bahasa rasmi PBB jo badan-badan khususnyo salain bahasa Arab, Parancih, Mandarin, Inggirih, jo Spanyol. Salain itu, bahasa Rusia ko juo digunokan sabagai bahasa rasmi Persemakmuran Nagara-nagara Merdeka.

Daftar isi
Klasifikasi
Panyebaran geografis
Sajarah
Bahasa rasmi
Dialek
Sistem Panulihan
Abjad
Ungkapan lazim
Salam
Pakanalan
Papisahan
Rujuakan
Pautan lua

Klasifikasi


Bahasa Rusia	
Русский язык <i>Russskiy yazyk</i>	
Lafal	[ˈruskʲɪj jɪˈzɨk]
Ditutuakan di	Federasi Rusia, <u>Kazakhstan</u> , <u>Uzbekistan</u> , <u>Turkmenistan</u> , <u>Tajikistan</u> <u>Kirgizstan</u> , <u>Azerbaijan</u> , <u>Georgia</u> , <u>Armenia</u> , <u>Ukraina</u> , <u>Belarus</u> , <u>Moldova</u> , <u>Estonia</u> , <u>Lituania</u> , <u>Latvia</u> , <u>Israel</u> , jo <u>Amerika Serikat</u>
Jumlah panutua	278 juta jiwa ^[1] <i>(indak ado tanggal)</i>
Rumpun bahasa	<div>Indo-Eropa<ul style="list-style-type: none">Balto-Slavia<ul style="list-style-type: none">Slavia<ul style="list-style-type: none">Slavia Timur<ul style="list-style-type: none">Bahasa Rusia</div>
Sistem panulisan	Sirilik
Status rasmi	
Bahasa rasmi di	<div><div><div></div><div><u>Rusia</u></div></div><div><div></div><div><u>Belarus</u></div></div><div><div></div><div><u>Kazakhstan</u></div></div><div><div></div><div><u>Kirgizstan</u></div></div><div><div></div><div><u>Moldova</u></div></div></div>
Diatur dek	<u>Institut Bahasa Rusia</u> ^[2] <u>Akademi Sains Rusia</u>
Kode-kode bahasa	
ISO 639-1	ru
ISO 639-2	rus
ISO 639-3	rus

Bahasa Rusia termasuk dalam rumpun bahasa slavia, nan mano bahasa Rusia badunsanak jo bahasa-bahasa balkan, sarupo bahasa Bulgaria, bahasa Serbo-Kroat, bahasa Makedonia, bahasa Slovenia, bahasa Rusyn, bahasa Belarus, bahasa Ukraina, bahasa Polandia, bahasa Ceko jo bahasa Slovak nan marupoan bagian dari rumpun bahasa Indo-Eropa.


Dalam rumpun bahasa Slavik, bahasa Rusia paliang dakek badunsanak jo bahasa-bahasa Slavik Timur, iyolah Bahasa Belarus jo Bahasa Ukraina. Sarupo jo kaduo bahasa taakhia iko, mamakai abjad Sirilik, bahasa Rusia dipakai sabagai bahasa parantaro (*lingua franca*) di republik-republik bakeh Uni Soviet. Bahasa Rusia punyo juo karya sastra nan kayo.

Bahasa Rusia adolah bagian dari bahasa Slav dari kaluargo bahasa Indo-Eropa. Bilo dicaliak dari suduik pandang palafalan bahasa, Bahasa Rusia agak sarupo jo Bahasa Ukraina jo Bahasa Belarus di Slavia Timur, nan aka bahasonyo adolah dari Bahasa Slavia Timur Tuo. Kosa kato, bantuak kalimaik, jo sastra Rusia kabanyakan dipangaruahi dek Gareja Slavonic. Fonologi bahasa Rusia, tarutamo di bagian utara Rusia, dipangaruahi dek bahasa Finnik (bahasa Finlandia)^[5]^[6]. Babarapo kato modern Bahasa Rusia ado juo nan barasa dari Tatar. Badasakan Institut Palinduang Bahasa di Monterey, bahasa Rusia digolongkan sabagai bahasa tingkek III, iyolah bahasa nan cukuik sulik dipalajari dek urang babahasa ibu Inggirih asli, jo butuah wakatu 780 jam intensif untuak dapek babicarو bahasa Rusia jo cukuik lanca.^[7]

Panyebaran geografis



Peta panyebaran bahasa Rusia



Kamampuan babahasa Rusia di nagara bakeh Uni Soviet, 2004.

Bahasa Rusia ditutukan sacaro laweh di Rusia jo nagara-nagara bakeh Uni Soviet. Pado maso Soviet, bahasa Rusia digunokan sabagai bahasa superioritas jo pamarasatu, walaupun Uni Soviet tadiri dari banyak etnik jo suku bangso. Satalah bubarnya Uni Soviet pado taun 1991, babarapo nagara bakeh Uni Soviet, sarupo Kirgistan mamuloi untuak mamakai bahasa asli mareka dibanding mamakai bahasa Rusia.

Di Estonia, nan marupoan bakeh nagara bagian Soviet, labiah kurang 58% panduduak aslinyo mampu babahasa Rusia. Salain itu ado juo imigran dari Rusia labiah kurang 25.6% nan dapek babahasa Rusia. Salain itu, di Finlandia, jumlah penutua bahasa Rusia adolah labiah kurang 33.400 panutua. Pado abaik ka-20, bahasa Rusia manyebar jo dipalajari sacaro laweh di nagara Pakta Warsawa jo di nagara nan basakutu jo Uni Soviet. Nagara-nagara iko diantaronyo adolah Polandia, Albania, Ceko, jo Kuba. Bahasa Rusia juo ditutukan di Israel dek 750.000 imigran Yahudi asa Rusia. Kabanyakan koran jo situs Israel mamakai bahasa Rusia. Babarapo komunitas Rusia di Amerika Utara, sarupo di Amerika Sarikaik jo Kanada juo manutukan bahasa Rusia. Badasakan data Biro Sensus Amerika

Sarikaik taun 2000, tacatek labiah dari 700.000 urang nan manutukan bahasa Rusia sabagai bahasa sahari-hari.

Sajarah

Bahasa rasmi

Bahasa Rusia adalah bahasa resmi Federasi Rusia. Bahasa Rusia juo ditatapkan sabagai bahasa resmi di Kazakhstan, Kirgizstan, jo Belarus. Salain itu, bahasa iko juo manjadi bahasa resmi sacaro *de facto* di Abkhazia jo Ossetia Selatan. Bahasa Rusia juo dipakai sabagai bahasa panganta di 97% sikolah di Rusia, 75% di Belarus, 41% di Kazakhstan, 25% di Ukraina, 23% di Kirgizstan, 21% di Moldova, 7% di Azerbaijan, 5% di Georgia, sarato 2% di Armenia jo Tajikistan.

Dialek

Dialek dalam bahasa Rusia tabagi duo sacaro umum, iyolah dialek Utara jo dialek Selatan, jo Moskow nan talatak di daerah patangahan antar kaduanya. Pabedoan dialek nampak dari tata bahasa, kosa kato, caro pelafalan jo intonasi. Contohnyo, pado kato булочная (toko roti) nan diucapkan [' buləʂnəjə] pado dialek Moskow daripado mangucapkan булочная [' bulətɕnəjə]. Dialek Utara jo daerah sakuliliang Sungai Volga mangucapkan huruf /o/ tanpa takanan jo fenomena iko disabuik оканье /okanye/.

Samantaro itu di daerah Timur Moskow, tapeknyo di daerah Ryazan, mereka mangucapkan huruf /e/ jo /a/ tanpa takanan jo fenomena iko disabuik яканье /yakanye/. Pado awal abaik ka-18, Mikhail Lomononsov mamuloi panyalidiakan dialek nan ado di saantero Kakaisaran Rusia. Kamudian pado abaik ka 19, Vladimir Dal manulih sabuah kamuik langkok bahasa Rusia jo dialek-dialeknyo.

Sistem Panulihan

Abjad

Huruf	Namo huruf	Transliterasi	Transliterasi namo huruf
А а	а	a	<i>a</i>
Б б	бэ	b	<i>be</i>
В в	вэ	v	<i>ve</i>
Г г	гэ	g	<i>ge</i>
Д д	дэ	d	<i>de</i>
Е е	йэ	ye	<i>ye</i>
Ё ё	йо	yo	<i>yo</i>
Ж ж	жэ	zh	<i>zhe</i>
З з	зэ	z	<i>ze</i>
И и	и	i	<i>i</i>
Й й	и краткое	y	<i>i kratkoye</i>
К к	ка	k	<i>ka</i>
Л л	эл	l	<i>el</i>
М м	эм	m	<i>em</i>
Н н	эн	n	<i>en</i>
О о	о	o	<i>o</i>
П п	пэ	p	<i>pe</i>
Р р	эр	r	<i>er</i>
С с	эс	s	<i>es</i>
Т т	тэ	t	<i>te</i>
У у	у	u	<i>u</i>
Ф ф	эф	f	<i>ef</i>
Х х	ха	h	<i>ha</i>
Ц ц	цэ	ts	<i>tse</i>
Ч ч	че	ch	<i>che</i>
Ш ш	ша	sh	<i>sha</i>
Щ щ	ща	sch	<i>scha</i>
Ъ ъ	твёрдый знак	*	<i>tvyardiy znak</i>
Ы ы	ы	y	<i>y</i>
Ь ь	мягкий знак	´*	<i>myagkiy znak</i>
Э э	э	e	<i>e</i>
Ю ю	йу	yu	<i>yu</i>
Я я	йа	ya	<i>ya</i>

Ungkapan لازم

Salam

- Здравствуйте /zdrastuiche/ - halo (kapan pun, bantuak sopan)
- Привет /privyet/ - halo (bantuak biaso)
- Доброе утро /dabroi utra/ - salamaik pagi (pukul 00.00-12.00)
- Добрый день /dobriy jyen/ - salamaik siang (pukul 12.00-18.00)
- Добрый вечер /dobriy vyechir/ - salamaik malam (pukul 18.00-00.00)
- Как поживаете? /kak pazhivayecheh/ - baa kaba? (bantuak sopan)
- Как поживаешь? /kak pazhivayesh/ - baa kaba? (bantuak biasa)
- Прекрасно. А ты? /prikrasna, a ti/ - baiak, sanak? (bantuak biaso)
- Рад Вас видеть /rat vas vijyech/ - sanang bajumpo jo Sanak (bantuak sopan, pria)
- Рада Вас видеть /rada vas vijyech/ - sanang bajumpo jo Sanak (bantuak sopan, wanita)
- Рад тебя видеть /rat tibya vijyech/ - sanang bajumpo jo Sanak (bantuak biaso, pria)
- Рада тебя видеть /rada tibya vijyech/ - sanang bajumpo jo Sanak (bantuak biaso, wanita)
- Я тоже рад Вас видеть /ya tozhe rat vas vijyech/ - sanang bajumpo jo Sanak juo (bantuak sopan, pria)
- Я тоже рада Вас видеть /ya tozhe rada vas vijyech/ - sanang bajumpo jo Sanak juo (bantuak sopan, wanita)
- Что нового? /shto novawa/ - ado sasuatun baru?
- Как дела? /kak jyela/ - baa kaba? (bantuak biaso)
- Как у Вас дела? /kak u was jyela/ - baa kaba? (bantuak sopan)
- Спасибо, хорошо /spasiba, harasho/ - baiak, tarimo kasih
- А у Вас? /a u was/ – lalu, baa kaba Sanak? (bantuak sopan)
- Так себе /tak sibye/ - baitulah
- Как обычно /kak abweichna/ – sarupo biaso
- Неплохо /nyeuploha/ - indak talalu buruak
- Плохо /ploha/ - buruak

Pakanalan

- Как вас зовут? /kak was zavut/ - sia namo Sanak? (bantuak sopan)
- Как тебя зовут? /kak tibya zavut/ - sia namo ang? (bantuak biaso)
- Меня зовут... /minya zavut/ - namo ambo...
- Вы знакомы с...? /vwi znakomweu s.../ - apo Sanak kana... ? (bantuak sopan)
- Разрешите познакомить вас (с моим мужем/с моей женой) /razreshiche paznakomich (was smayim muzheum/smayey zheneuy)/ - izinkan ambo mamperkenalkan Sanak kapado (suami/istri) ambo.
- Очень приятно /ochyen priyatna/ - sanang batamu jo Sanak
- Я из Индонезии /ya iz Indanyezii/ - Ambo dari Indonesia

Papisahan

- Боюсь, что мне пора /boyus, shto mnye para/ - tampaknyo, ambo harus baranjak kini
- До свидания! /da svidaniya/ - salamaik tingga! (bantuak sopan)
- Пока! /paka/ - dadah!
- До скорого! – /da skorawa/ - sampai jumpo! (bantuak biaso)


- Спокойной ночи - /spakoynuey nochi/ - salamaik lalok!
- Увидимся /uvijimsia/ - sampai jumpo
- До скорой встречи /da skoreuy wstrechi/ - sampai jumpo lai
- До вечера /da vyechira/ - sampai nanti malam
- До завтра /da zavtra/ - sampai bisuak
- Всего наилучшего! /vsiwo nailuchsiwo/ - sado nan tabaiak!
- Передавай привет... /piridavay privyet.../ - sampaikan salam ambo kapado...

Rujukan

1. "How do you say that in Russian?" (http://eng.expert.ru/printissues/countries/2006/09/ruskiy_yazyk_v_blizhayshem_zarubezhe/). Expert. 2006. Diakses tanggal 2008-02-26.
2. "Russian Language Institute" (<http://www.ruslang.ru/>). Ruslang.ru. Diakses tanggal 2010-05-16.
3. "Gallup.com" (<http://www.gallup.com/poll/109228/russian-language-enjoying-boost-postsoviet-states.aspx>). Gallup.com. Diakses tanggal 2010-05-16.
4. "The World's Most Widely Spoken Languages" (<http://www2.ignatius.edu/faculty/turner/languages.htm>). Diakses tanggal 16 May 2009.
5. "Academic credit" (<http://www.philology.ru/linguistics2/filin-82.htm>). Вопросы языкознания. - М., № 5. - С. 18–28. 1982. Diakses tanggal 2006-04-29.
6. "Academic credit" (http://www.ksu.ru/f10/publications/konf/articles_1_1.php?id=5&num=17000000). Прибалтийско-финский компонент в русском слове. Diakses tanggal 2006-04-29.
7. "Academic credit" (http://www.dliflc.edu/academics/academic_affairs/dli_catalog/acadcred.htm). Defense Language Institute Foreign Language Center. Diakses tanggal 2006-04-20.

Pautan lua

- **(Rusia)** Institut Bahasa Rusia (<http://www.ruslang.ru/>)
- **(Inggrish)** Kursus bahasa Rusia daring (http://wikitranslate.org/wiki/Learn_Russian_language_online:_Learn_Russian_-_Speak_Russian)
- Bahasa Rusia (http://www.dmoz.org/Science/Social_Sciences/Linguistics/Languages/Natural/Indo-European/Slavic/Russian/) di Proyek Direktori Tabukak

 Iko baru laman rancangan. Bantulah Wikipedia untuak mangambangannyo (https://min.wikipedia.org/w/index.php?title=Bahasa_Rusia&action=edit).



Ado ***edisi Bahaso Rusia*** di Wikipedia



Caliak katarangan manganai ***bahaso rusia*** di Wiktionary.

Didapek dari "https://min.wikipedia.org/w/index.php?title=Bahasa_Rusia&oldid=1651562"

Laman ko tarakhia diubah pado 20.04, tanggal 31 Agustus 2019.

Teks tasadio jo Lisensi Atribusi-BabagiSarupo Creative Commons; katantuan tambahan mungkin balaku. Caliak Katantuan Panggunoan untuak labiah jaleh.